

皇明經世文編

皇明經世文編卷之二百三十一

華亭

陳子龍臥子

徐孚遠闇公

選輯

宋徵璧尚木

周立勳勒貞

宋存標子建參閱

楊太史奏疏

疏

楊名

昧死陳言以效愚忠疏

用舍修葺

臣以災異修省，妄有建白，繼奉聖旨，令臣明言。臣捧誦之餘，不勝悚懼。切念臣本庸劣，無所知識，荷蒙

皇上簡拔及策寵列詞林、感仰殊恩、每懷圖報、近見諸臣奉 詔陳言、議論不一、恐未足以上慰淵衷、故以草茅之見、騰爲狂妄之說、塵瀆 睿覽、但臣涵養未至、故氣乏和平、問學未明、故言多疎謬、乃重煩明旨、臣驚悸隕越、無地自容、旣而伏自思省、所以有言、寔出于犬馬一念之誠、非敢故爲矯激、以速譴責也、以臣之愚、時務人品、固未能一一周知、然得于見聞、寔不容已者、况承嚴命之下、苟復畏罪隱默、或支離遷就、以求幸免、豈不有負 皇上虛心納諫之仁也、

哉、而臣願忠之初心、亦自負矣、故敢不避誅殛、謹以
所聞見出于臣民之公論者、爲 皇上明言之、臣惟
吏部諸曹之首、尚書百官之表、而汪鉉者、小人之尤
者也、往者吏部尚書有缺、 皇上亦慎重其任、不肯
輕予、今乃屬任于鉉、豈不以鉉爲賢于諸臣耶、然而
命下之日、大小臣工、罔不驚愕、雖閭閻細民、亦切切
不已、皆曰、此地非鉉所宜處也、蓋以鉉之爲人、心行
反覆、舉動乖張、志惟務于逢迎、心祇期于報復、向總
憲臺、累遭論劾、今遷吏部、又被羣言、臣恐失今不處

使在位日久，益以逢迎之巧，濟其報復之私，內外臣工，用舍盡謬，則其爲害可勝言哉！此鉉之不當用也。如武定侯郭勛，賦性好回，立心險詐，阿奉權貴，叨受天恩，蓋不必考其心術之微，觀其氣象之著，亦知其爲險人也。皇上使之久典戎務，屢代祀事，及凡要緊朝政，皆得與議，彼復不自檢飭，肆意猖狂，使爲臣子者，朝夕觀效，皆如勛之爲人，豈得無可慮乎！此勛之不當用也。如太常寺者，本司掌禮儀，以事神祇祖宗，導迎和氣，光昭國祚者也，位列崇階，稱爲清要。

非心行純白、資深望久者、不得與矣、近者乃使陳道

道流、並、兩、名、丹

瀛、金贊仁輩庸惡道流、充任其秩、臣每觀其聲音容

貌、即極粗鄙、及聞其素行、則飲酒食肉、貪財好色、無

所不至、一遇祭祀、則專意于分受品物、及香燭柴炭

之類而已、如此等人、如此等心、而望其誠敬精白、以

贊助 皇上明禋之敬、有是理乎、此道瀛輩不當用

也、臣愚竊妄以為是數人者、羣心皆曰不當用也、而

皇上用之、豈亦 聖心之偏于喜者耶、又如 皇上

意、指、議、禮、諸、君、子、耶

踐祚以來、在廷之臣、條建議議論之間、議見偏執、言辭

紕繆以上觸天威自取罪戾者固非一人一事但據其迹雖若難恕而究其心則皆可原自明示薄罰之餘懲創已久况皆累朝作養才能文行各有可取其遺我皇上共成光明之治者也而可終忍于廢棄老死已乎雖累有寬釋起用爲言者尚未蒙慨然允行近見大學士李時以愛惜人才爲請卽荷嘉納中外臣民不勝欣躍此可以觀人心矣但下該部已久未見覆題則臣所謂遲回觀望不能悉力將順縱有陳焉不過虛文塞責之說豈可謂無哉臣愚竊妄

以爲是得罪者。羣心皆曰當矜宥也。而皇上亦未能擇然。豈亦聖心之偏于怒者耶。推而至于施爲之間。如稽復舊典。以備一代之制。真盛舉也。但未免工作屢興。財力並竭。採運木植。燒造磚瓦。裝載灰石。所至騷然。民無寧日。則閭閻之下。形諸愁歎。以及太和者。亦豈少乎。又如真人邵元節者。得以其術。過蒙采聽。于內府修建醮事。此雖皇上祈天永命之心。不能自己。但禱祀之說。自古無驗。今乃不惜糜費。使之頻舉。且命左右大臣。奔走共事。而元節復率其徒。

侶持其旛樂。敢于大內闡揚法事。遂至不肖之臣。妄
爲依託。且聞有昏夜乞哀出其門者。亦不能必其無
市恩播威。貢緣僨事之失也。夫以 皇上敬一之心。
臣民祝願之念。感格天地。萬壽之福。百男之祥。可以
坐致。乃使異端小術。攘以爲功。書之史冊。以垂後世。
亦謂何哉。凡此或皆 聖心少有所偏者。故臣敢爲
內照自省。及戒謹恐懼之說。蓋欲 皇上遠稽堯舜
所以德高羣聖。治冠百王者。不外此心之中和也。使
或一念之微。一瞬之際。及一事之末。少有間斷。卽未

純一卽弗中和、是故慎獨之功、確乎不可忽也、乃臣
之誠、不足以孚感悟、言無足以備採擇、至厘明諭、臣
罪安可逃矣、

楊侍御奏疏

疏

楊爵

慰人心以隆治道疏

用舍修建

臣惟人主一身、萬化本原、履至尊之位、膺艱大之責、
用入行政、是非得失、方在幾微、而關於民心之向背、
天命之去留者、卽甚可畏也、是以聖帝明王、深察乎

此致治必于未亂、保邦必于未危、事無微而不謹、時無暫而不懼、爲大于其細、而圖難于其易、然後天人交與、而可以延國祚于永久矣。方今天下大勢、如人衰病之極、內而腹心、外而百骸、莫不受病、卽欲拯之、無措手之地、以臣觀之、其危亂之形將成、目前之憂甚大也。大抵因仍苟且、兵戎廢弛、奢侈妄費、公私困竭、奔競成俗、賄賂通行、遇災變而不憂、非祥瑞而稱賀、讒諂面諛、公肆欺妄、士風民俗、于此大壞、而國之所恃以爲國者、掃地盡矣。撥危亂而反之治安、此在

陛下所以轉移率勵之者何如耳况當朝覲大比之期百司多士濟濟來趨延頸思化人人切仰極重不可反幾失則難濟伏願陛下汲汲于此時留心焉以爲善後之圖也臣以病居林下者八九年誤蒙

聖恩賜之起用擢以耳目之官任以糾劾之責受命以來早夜耿耿每思國事日非而臣于國恩有未報至于痛心流涕者有之臣請畧舉目前之所見犬要足以失人心而致危亂以貽聖心之憂者爲陛下告誠不忍默默保位以上負陛下之洪恩下負

生平之所學也。伏願 聖明垂聽焉。臣竊惟天下之患莫大于以危爲安、以舊爲利、實則可憂、而以爲大可樂。法家拂士、日益遠、而快意肆情之事、無敢齟齬于其間。積弊而至于蠱、則不可得而救矣。此實天下之患也。往年夏末入秋、恒暘不雨、畿輔千里、已無秋禾。旣又立冬無雪、暖氣如春、元旦僅雪卽止、民失所望。洵洵無聊、憂旱之切、遠近所同。此正 陛下徹樂減膳、率臣下以祈惠寧之時也。而在廷之臣、如大學士夏言數人者、乃以爲靈瑞而稱頌之。其欺天罔人

不亦甚乎。其不幾于安危利菑，而以大可憂者爲樂邪。孔子告顏淵爲邦，在遠佞人。若是而謂之佞人者，非耶。大臣之職，輔君當道，志于仁，而先天下以爲憂者也。無忠亮體國之心，而居人臣之極位，所謂小人而乘君子之器也。欲天下之治安可得耶。又如胡國公郭勛者，中外皆知其爲天下之大惡，朝廷之大蠹也。勛之舉動踪跡，豈能逃于 聖鑒。雖 陛下盛德優容，不忍卽罪，神謀遠慮，自有所處。臣愚以爲奸不可近，惡不可長。若止之于微，遏之于漸，則朝廷優禮

卷之一 爲處置武定之言 亦有

人臣之體貌未失。而勳戚之餘裔亦得以保全而善終也。體或使稔惡肆毒。潛干政柄。則羣狡趨赴。善類退處。其爲天下國家之禍。日益深矣。治道去其太甚者。此其爲害治之人之甚。所當急去而不可緩也。凡此任用匪人。足以失人心而致危亂者一也。天生斯民。立之司牧。君人者奉天以安民。而使之各得其所也。民不得所。則其心不能無怨。民日怨。則天意可知矣。古者民勤于食。則百作廢。今民勤食。不可得而至于離散。離散無所歸。而至于死亡。臣近巡視南城。兩月

中凍餒死者八十人。此一南城一郭耳。共計五城。未知有幾。目所不及見。而在于千萬里之遠者。又未知其有幾。孰非陛下之赤子也。而顛連無告。委命溝壑。蓋望一豆羹蔬食。以延須臾之生。而不可得也。此正陛下愛民惜財。與天下休息之時也。而土木之功。十年于此矣。而尚未止。工部屬官。添設者至數十員。又差部官遠修雷壇。以一方士之故。浚民膏血。而不知恤。則民何以得其所哉。民惟邦本。本固邦寧。窮民之力。盡民之財。是自蹙其本根也。而國何以爲國。

乎。昔漢文帝惜百金之費，不營一臺，故海內富庶。隋氏以盛修宮室，而至于亡國。願陛下以爲鑒戒，則宇內生靈之慶也。況今北虜跳梁，內寇竊發，警報日聞，加以頻年災沴，上下一空，百計取之，愈爲不足，而興作未已，以結怨于天下，此其足以失人心而致人亂者二也。唐虞三代之世，君臣每以勤敬之道交相儆戒，其見于經傳者，如堯舜兢兢業業，無怠無荒，禹惜寸陰，湯昧爽不違，文王不遑暇食，武王以敬而勝怠，故能壽躋耄期，治隆熙泰，是數聖人所以崇德益

壽善政和民之道不外乎敬與勤而已矣。周公召公之相成王也，周公則以逸而戒之，召公則以敬而勉之。蓋敬逸之間，身之修否，政之理亂所由分。此固周召忠君惻愷之心也。陛下卽位之初，勵精有爲，不遑寧處，嘗以敬一箴頒示天下，其于堯舜三王之道，蓋已心得之矣。數年以來，因聖體違和，朝儀間缺，經筵未講，大小臣庶朝參辭謝，未得一覩聖容，敷奏復逆，未得一聆天語。若是者，今已久矣。夫天位者，艱難之器，逸樂之具也。陛下一身，天地百神

賴以享、六軍萬民賴以安、一日二日、有萬幾之繁、近
聞 聖躬調頤、大獲福履、中外臣民、罔不歡慶、况此
春氣漸和、人思新化、庶官入覲、雖雖肅肅、來自萬里
之遠者、孰不欲鞠躬垂委、北面舞蹈、望龍顏以慰快
覩之心乎、易曰、聖人作而萬物覩、正今日之事也、若
未得瞻于咫尺、天顏之下、以狎有乎、顛若之敬、臣
恐人心日益怠惰、中外日益渙散、非隆古君臣同寅
協恭、以臻太平之氣象也、此其足以失人心而致危
亂者三也、執左道以惑衆、聖王所必誅而不宥者也、

今異言異服列于庭苑、金紫赤紱賞及于方外之士

臣不意

陛下睿哲先物、明見萬里、而所爲一至于

此所指者陶仲文也

此、夫係傳之職、坐而論道、古人謂官不必備、惟其人

故、非道隆德盛、極天下之選者、不足以任此責、今舉

而昇諸迂怪之徒、輕之若芥、流品之濫至此極矣、且

陛下以天縱之聖資、爲上天之元子、若遠宗帝王之

道、近守祖宗之法、細旃廣廈之下、與公卿賢士講

論治道、則心正身修、與天地合其德、與日月合其明、

和氣致祥、罔有天災、則山川鬼神、莫不寧矣、安用假

此妖誕邪妄之術、列諸法禁之地、而藉之以爲 聖躬之福耶、甚非 聖天子所以崇正遠邪、平平蕩蕩、奉三無私以化天下之道也、臣聞風聲所及、人起異議、豪傑之士、聞而解體、貽四方之笑、取百世之譏、于聖德國政所損不細、此其足以失人心、而致危亂者四也、古人有言、君聖則臣真 陛下臨御之初、廷訪忠謀、虛懷納諫、其于狂直敢言之士、往往矜宥、故一時臣工恃 陛下之能容、敢以直言、冒干 天聽、言過激切、而獲罪者亦多有之、自此以來、臣下懷危慮

禍未聞敢有犯顏直諫而爲匡救逆心之論者。昔人論求言之益。以爲勉強以聽。不若悅而從之。悅而從之。不若導之使言。蓋人臣持祿保位者多。而忘身以殉國者少。雖識見有明暗。言論有得失。在陛下明目達聰。鑒別取舍于黜陟賞罰。付之公論。則可矣。若震之以天威。加之以危禍。如往年太僕寺卿楊最者。言出而身卽死。近日翰林院左贊善兼修撰羅洪先等。皆以言罷斥。此于國體治道。所損甚多。伏願聖明少致思焉。成湯大聖人也。仲尼稱其改過不吝。從

諫弗拂。高宗有商之令主也。傳說告以木從繩則正。后從諫則聖。此二君作聖之功。爲萬世人主之龜鑑也。臣非區區爲一暢最等惜也。但歷觀古今以來。有天下國家者。未有不以任諫而興。以拒諫而亡者也。今而後。雖有素懷忠義之心者。非灰心仕進。甘退丘園。亦必深自晦藏。爲保身計矣。孰敢發言以論天下之事哉。臣恐忠盡杜口。則讒諛交進。上德不能下達。下情不能上通。安危休戚。無由以見。而堂陛之近。卽遠于萬里矣。此其足以失人心而致危亂者五也。此

數者關于天下之治亂國勢之安危貽 聖心之憂
誠未已也伏望 皇上念 祖宗創業之艱難思今
日守成爲不易察臣忠悃覽臣所陳賜之施行戒飭
夏言務篤忠貞之道以報國家崇顧禮遇之恩于郭
助則豫有以裁抑而保全之止土木之功開諫諍之
路屏邪妄之行 陛下仍以慎獨養天德以天德達
王道以慰人心以祈天祐則莊敬日強而眉壽永于
千億虛靈照物而忠邪莫可逃遁其爲 宗廟社稷
萬萬年無疆之福 聖子神孫萬萬年無疆之規者

端在此矣

皇明經世文編卷之二百三十二

陳子龍卧子 宋徵璧尚木

萃亭

編輯

徐孚遠闇公 唐昌世興公

許清胤价夫叅閱

許恭襄公邊鎮論

論

許論

九邊總論

九邊總論

陳形勢 審軍害 究利病 過備 變後 希明 見萬里之

國家驅逐胡元混一寰宇東至遼海西盡酒泉延袤

萬里中間漁陽上谷雲中朔代以至上郡北地靈武

卑蘭河西山川聯絡列鎮屯兵帶甲六十萬據大險以制諸夷全盛極矣初設遼東宣府大同延綏四鎮

盛時安邊大策如此

繼設寧夏甘肅薊州三鎮專命文武大臣鎮守提督之。又山西鎮巡統馭偏頭三關陝西鎮巡統馭固原亦稱二鎮遂爲九邊弘治間設總制于固原聯屬陝

西諸鎮嘉靖初設總督于偏頭聯屬山西諸鎮又設

遼東不便內通恐聯屬爲無益番重專制

總督于薊州聯屬遼東鎮戍益嚴密焉然自大寧未弃遼東宣府大同勢相聯屬自偏頭關逾河跨西北大虜之警守在東勝河套之南又有榆林實相犄角

後弃大寧。移置都司于保定。而宣府遼東勢始分矣。正統以來。有司又失守東勝。大虜仍得逾河。而偏頭關迤西。遂有河套之虞。因循既久。有司又不肯以時巡套。東勝之鎮。併近內地。形勢愈弱。于是所賴以衛京師防邊虜者。不過遼東宣府大同榆林四鎮而已。夫四鎮所領各堡。亦有精壯。苟足其糧餉。守備等官。勤加巡哨。爲之牽連援救。自足以各守地方。督率耕牧。從古備邊之道也。今則撫臣假調操以自固。將因操習之弊。實在按伏之帥假按伏以爲奸。攻守無策。而偷情相襲。文法太密。奸同告。則在。托臣不在。將帥也。

而巧避益多。斥堠不立。而勇敢未倡。功賞不明。而激

勸每爽。地方屢失。糧餉屢乏。實此之故矣。今惟痛革

其弊。堅壁固守。勤加巡哨。為耕牧長計。而無狃近利

切務也

乃可為也。其治蠻夷之道。則在率土著良民。得以自

相守望。一或不支。為之聯屬。附近地方策應之。如湖

種用徵胡。便有單弱不均之病也。

廣之永靖。廣西之狼兵。置之不復徵調。民足相死。兵

不毒。民無貪功之文臣。無貪利之武將。則邊鄙晏然

矣。

宣府論

宣府

宣府上子佛漢時上谷郡也完附縣國初常忠武王遇春破虜

如土、向、所、論、權、宜、之、向、不、可、下、也、而、也、○聯、落、布

于漠北即元之上都設開平衛守之置八驛東則涼

置極其周密忠武乃今之北境良將也

亭枕河賽峯黃厓四驛接太寧古北口西則桓州威

虜明安熙寧四驛接獨石太宗文皇帝三犁虜庭

皆自開平興和萬全出入嘗曰滅此殘虜惟守開平

興和太寧遼東甘肅寧夏則邊境可永無事矣後大

寧既以與虜興和亦廢而開平失援難守宣德中乃

徙衛于獨石弃地蓋三百里土木之變獨石八城皆

破雖旋收復而宣府特重矣宣府山川糾紛地險而

狹。分屯建將。倍于他鎮。是以氣勢完固。號稱易守。然去京師不四百里。鎖鑰所寄。要害可知。北路獨石馬營一帶。地雖懸絕。然勢阻長安嶺。虜難徑下。中路之葛峪。大白陽。青邊諸堡。西路之柴溝。洗馬林。萬全諸城。南路之東西順聖。皆稱虜衝。警屢至焉。東路永寧四海冶。及龍門所。則三衛窺伺之地。而四海冶上通開平大路。下連橫嶺。兒。又要地矣。易曰。王公設險以守其國。今考塞垣所據。險亦幾盡。第時異勢殊。有不此、言、塞、垣、之、得、之、傳、校可不爲之經畫者。若曰補長峪城鎮邊城之募軍。重

浮圖峪插箭嶺之防守。留茂山衛京操之士。以益柴
荆。築李信屯交界之堡。以固兩鎮。此豈容已乎。且宣
府軍士素稱敢戰矣。乃近年叅將都勲出境燒荒。遇
虜二十騎而潰。關山王經前後陷沒。此猶可諉也。若
滴水崖郭舉之叛。及諸軍告糴而謀。此則漸不可長。
况伊邇大同。耳目習染。可不慮哉。是故有撫綏之將。
而後有節制之兵。有節制之兵。而後有疆圉之固。籌
宣府者。此其大計矣。至于邊儲一節。則員外楊守謙
所論。蓋得權宜之術。附見于後。以備一時參考云。守

謙曰嘗聞弘治中宣府各城粟茭之積多至有六七年者少亦不下三四年今則止數月耳倉廩僅存瓦

礫場地鞠爲茂草或勢家佃以爲業然則飽歌騰槽之勢安得而復見哉邊鎮敝壞乃至此極賴國威

靈僥倖無事使遇也先火篩之變將何以待之司國計者不可不深長思也宣府至京師僅三百餘里有

此法終不可

必不得已之事則空運之策可行也此蓋先朝所已試者亦一時拯溺救焚之方云又按邊軍月餉法曰折色者六月本色者六月在邊者折銀七錢在內者

折銀六錢、又曰、本折門、支此諸邊之通例也。然春夏之月、禾稼未登、粟價騰踊、邊臣苦于蓄積之未多也。則固與之折銀、秋冬之月、粟價稍平、倉廩稍積、則始與之本色、當其騰踊也、銀一錢、或止易粟六七升、或四五升、是一月折銀、猶不及半月之粟。如之何其不饑而疲、且至死也。欲責其死、緩之節、不亦難哉。說者謂宜于歲例之外、每鎮發銀十餘萬兩、遇大熟之歲、則于歲例招買之外、糴粟六七萬兩、中熟亦糴三四萬兩、俱別儲之、每春夏粟價騰踊、若歲例之粟尚足

此等邊長慮也。惜能一戶之未必能行之。

支持者勿動。惟騰踊之甚。不可支持者。借支二三月。
補償雖善。安能始終如一。
 秋熟之後。即于歲例內招買者。補償。仍別儲之。如此
 則士得實惠。而所省亦數倍。即有重大虜患。徵發旁
 午。緩急亦有所濟矣。此誠今日之急務。而司國計者。
 所當講求云。

薊州鎮
 薊州

薊京師左輔也。我太祖既逐元君。迺即古會州之
 地。設大寧都司。營州等衛。而封寧王。與遼東宣府東
 西並建。以為外邊。又命魏國公徐達。起古北口至

山海關增修關隘以爲內邊。太宗文皇帝靖難後，兀良哈部落內附，乃改封寧王于江西，徙大寧都司于保定，散置營州等衛于順天之境，而以大寧全地與之，授官置衛，令其每年朝貢二次，衛各百人，往來互市，永爲藩籬，卽朶顏、大寧、福餘三衛也。遼東宣府自此隔涉，聲援絕矣。正統以前，夷心畏服，地方寧謐，但令都指揮或都督于喜峰口、密雲等處鎮守，驗放，別無多官土木之變，頗聞三衛爲也。先嚮導，乃命都御史鄒來學經畧之，此後因而添設太監叅將。

等官而夷情亦變詐不同。然尚未敢顯言爲寇也。弘治中守臣楊友張瓊因燒荒掩殺無辜。邊釁遂起。正德以來。部落旣蕃。朵顏獨盛。陽順陰逆。累肆侵噬。花當則脇求添貢。把兒孫深入擄掠。動稱結親。迤北恐嚇。中國叅將陳乾魏祥俱以重兵前後陷沒。他可知矣。故三衛夷情難與往日例論。禍機所伏。不待知者而知。黃花鎮擁護陵寢。京師後門。今本兵逃亡。止餘二百。河間等衛之戍。空名無寔。此其單弱極矣。議者謂更當增戍。而關外閑田可募爲兵。此亦一策也。

古北口潮河川俱稱要害而潮河川殘戶避暑故道尤爲虜衝作橋則浮沙難立爲壑則漲水易淤都御史洪鍾雖曾設有關城勢孤難守今須塞川大建石墩數十令其錯綜宛轉不礙水落庶幾可以久乎喜峰口三衛入貢之路撫賞諸費久累軍丁近聞取諸馬場子粒似矣建昌營自裁革內臣之後以其兵多于燕河營乃復添設游擊甚爲紕謬矣游擊之名謂居中乘便四面馳擊也今偏在東隅其謂之何矧東去燕河營叅將止五十里西去太平寨叅將止六

十里不爲贅員且掣肘矣愚嘗謂薊鎮在今當重其事權總兵須與掛印同巡撫駐薊其游擊駐三屯營若燕河馬蘭密雲三叅將則仍舊在以太平寨併入建昌爲一叅將則庶乎體統正而緩急有濟矣且設關于外所以防守立營于內所以應援今關營提調既分爲二則關獨當其害營但肆爲觀望耳假令營之提調卽司所直之關責有攸歸其復將誰諉又本鎮額兵原少隘口甚多除分戍之外消耗之餘所在單弱言之寒心是故存留京操之士益募土著之兵

設險修關嚴烽遠譟。選將練兵足食明法。田突徙薪之計不可一日不講也。

寧夏鎮

寧夏

寧夏亦朔方地也。鎮城所據賀蘭山環其西北。黃河在東南。險固可守。漢唐舊渠皆厥田上上。人易爲生。成化以前虜患多在河西。自虜據套以來。而河東三百里間更爲敵衝。是故窺平固則犯花馬池之東。人靈州等處則清水營一帶是其徑矣。築墻畫守。始自巡撫徐廷璋。此千古卓然之見。而總制楊一清王瓊

唐龍皆常增築更益敵臺足禦竊發矣顧兵寡勢分
 難當大舉之寇豈人謀地利未有盡邪今之論者以
 固原為堂輿響石溝至花兒岔為二門花馬池一帶
 為三門謂有重險矣不知賊已入大門則堂輿無用
 風雨飄忽之所及內地村聚之民急欲收保而無由
 也嘗聞之弘治以前虜任套不常間有連歲不入者
 我邊每歲於河凍時決其出入則戒嚴出則解嚴蓋
 冰泮後則不復能出入矣今虜渾脫飛渡數萬立濟
 經年住套安為巢穴遁逃教訪盡知我內地虛實此

數淺不必疑也

套北黃河套可渡首

可與往日論哉。而花馬池一帶適其利涉之境。遊騎
出沒無日無之。宜乎延寧固靖終歲不得少息也。試
嘗籌之。若擇花馬池便利之地。大建城堡。添設叅遊
移總制居之。分屯重兵于清水武興等營。令三百里
之間。旗幟相望。刁斗相聞。其鐵柱泉等處。水草大路
盡建墩堡。此不惟得扼吭先制之計。東援榆林。西援
寧夏。亦常山蛇勢也。又洪武以來。虜出入河套。往來
甘涼。皆自賀蘭山後取道。自總兵杭雄敗後。遂以山
所苦反前備河此則西路倚山者亦前爲通衢。趙英周尚文禦之。皆敗。由此不已。愚不知
急矣

寧夏所終也。或曰舊墩瞭望直出山外，有警卽聞，易於遏絕，今皆廢矣。或又曰赤木黃峽等口，舊皆疊石固塞，防守有人，今亦不然。是以莫之禦虜也。夫敗軍法背水陣也，嘗聞先襄毅云：成化中敗軍法重，無苟免者，是以邊臣知畏，地方少事。弘治中太平濫觴，稍已解弛。至正德則一故事耳。今寧夏失機屢矣，而舊時晏然無事，求之各邊無不然者。此不可爲邊民痛哭哉。鎮城南北僅百甲，東西止二百餘里耳。王瓊廢鎮遠關而城平虜，棄地蓋八十里。一何易也。今虜患

愈近而民利益窘蓋謀者一至是乎若山南作塹以
過西來之寇則得之矣中衛偏在西隅雖地狹易守
顯山後之虜窺靖虜者數數有之尋討故事云自賀
蘭山直西至鎮番內皆漢武舊地今棄之矣果如所
論而城守之則莊涼靖固中衛俱安枕矣嗚呼豈易
言哉豈易言哉。

大同 大同

大同古雲中地東至枳兒嶺西至平虜城川原平衍
故多大舉之寇西則平虜威遠中則右衛水口等處

初設大同府分封代王外分東西中三路北設二邊拱衛鎮城皆稱要害蓋虜南犯朔應諸城必窺之路也東則天城陽和爲虜入順聖諸處之衝北二邊俱壞虜至直抵鎮城况虜在套中而平虜西連老營堡與偏關近虜縱出套便涉其境故大同稱難守焉先年邊政嚴明警備差緩自多故以來大邊已失二邊之內棄爲王廷墩軍驕惰警報不明至有與虜通貨入而後報者他可知矣以地利言則議者曰五堡決不可不復高山聚落之戍是宜當增以人事言愚

以爲正紀綱嚴法令。今第一義也。夫張文錦之敗，是

世宗時雲中兵最驍要抗王命

彼處置乖方而激成之也。李瑾之事，則是處文錦之未善而養成之耳。今日之事，愚又有隱憂矣。默化潛棄，不震不驚，爲天下回觀聽，非豪傑之士，忠義之臣，其孰能爲之。吁，可易言哉。夫修五堡有三利焉：藩屏外固，內地獲安，一也。沃土茂田，富庶可期，二也。二邊旣復，宣寧等縣弃地亦漸理，三也。文錦失處而致變，後人懲噎而廢食，可乎。高山聚落，二堡蓋在鎮城兩腋間，寔爲東南虜衝。募軍分駐，則按伏之費省，犄角

之勢成無容議矣。顧募車之糧所宜亟補耳。北虜貢路例在大同。先襄毅巡撫時三年三貢各邊寧謐者數年。往歲榆林款塞說者謂似涉和議拒而不納。豈典章未諳耶。夫北虜稱款難也。反自疑阻。然則歲歲侵暴而勞費者是當然耶。河南山西歲運多不及額而屯田又多逋負。是故足食之計非例外發銀專官糴買。吾無策矣。若夫馬之衰耗。弊在各城搶兌。此在軍之害。當事者不可不知耳。偏頭寧武鴈門三關各解要害。而偏關逼近黃河。焦家坪娘娘灘羊園子等

處皆套虜渡口。往來蹂躪。歲無虛日。尤爲難守。今防
守之兵。半是民壯。馬又小弱。非太僕寺所兌者。扶傷
救死之不暇。而責以敵愾之氣。難哉。或謂已巳之變。
大同徵山西之兵防禦者。蓋幾七千。今在鎮城止供
薪水門戶之役。而坐糜糧餉。分毫無益。若改皮三關。
給以太僕寺之馬。民壯數千。盡爲除革。此不惟邊防
有賴。而所省亦且不貲矣。夫魏尚李廣皆守雲中。尚
給士卒餉軍吏。無所不至。廣遺斥堠。就水草頓止。人
人自便。是以能用其衆。以致匈奴畏避。今之邊臣有

能愛將士若此者乎先襲殺巡撫之時雖不敢擬之
古人至裁占役禁楮尅恤調遣優死傷未嘗不誠心
以求之是以鎮人至今不能忘焉今平日恩德既無
以結其心臨時節制又無以宣其威不幸有變遂因
而爲姑息之政姑息必疑疑則阻威之不服而恩之
不感是誠驕悍之習雖魏尚李廣豈能馭之哉由今
之道馭今之兵厝火積薪因以爲安吾不知大同所
終也

遼東總論

遼東

遼東禹貢青冀二州之域，舜分冀東北爲幽州，卽今廣寧以西之地，青東北爲營州，卽廣寧以東之地，三面瀕夷，一面阻海，特山海關一綿之路，可以內通，亦形勝之區也。歷代以來，地皆郡縣，我朝盡改置衛而獨於遼陽開元設安樂，自在二州，以處內附夷人。其外附者，東北則建州、毛隣、女直等衛，西北則朵顏、福餘、泰寧三衛，分地世官，互市通貢，事雖羈縻，勢成藩蔽，是以疆場無迤北之患，顧東北諸夷，屋居耕食，不專射獵，警備差緩，而西北則俗仍迤北，竊發頗多。

遼左地，燕饒沃，可成一省會。

若大舉入寇，則亦鮮矣。故遼東夷情，與諸鎮異。要在隨勢安輯，處置得宜。先事申嚴，防守不墮，俾恩威並立，足制其心。斯計之上，而倖斬論功，則第二義也。開元廣寧，並據襟吭。金復海蓋，頗稱沃野。海上自劉江之捷，倭寇絕跡。弘治中，曾一見之。未及岸而逝。若今則晏然久矣。三岔河南北，亘數百里。遼陽舊城在焉。草木豐茂，更饒魚鮮。自國家委以與虜，迺遂進據腹心。限隔東西，守望勞費。道里迂遠，遼人每憤憤焉。成化以來，論者率欲截取，而屢作屢輟，竟不可行。無

亦有識者爲啓彙邊方之慮乎他如革馬市之姦欺
糾收驗之抑勒塞請開之貢路禁驛傳之騷驛增臺
軍之月給教百姓之儲蓄專制一方者不得不任其
責矣。

榆林鎮

榆林

榆林舊治綏德而棄米脂魚河等處於外幾三百里
虜輕騎入掠鎮兵出禦之每不及而返虜得投隙焉
成化九年都御史余子俊建議徙鎮榆林堡襟吭旣
據內地遂安邊牆東起黃甫川西至定邊營長亘凡

十二百餘里。連墩勾堡。橫截河套之口。內復塹山。埋谷。是日夾道。地利亦得矣。彼時虜少過河。軍士得耕牧套內。益以樵採圍獵之利。地方豐庶。稱雄鎮焉。自虜據套以來。邊禁漸嚴。我軍不敢擅入。諸利皆失。而鎮城四望黃沙。不產五穀。不通貨賄。於是一切芻糧。始仰給腹裏矣。弘治中。布政文貴奏改西延慶三府本鎮之稅。爲拋荒折色者二萬餘石。正德中。侍郎馮清又改三府本色。盡爲折色。自是軍用始窘。遂有米珠草桂之謠。况有節募新軍。而糧未增。尚有額內支

給折色，獨敝災傷所免及拖欠者，復百有餘萬，焉得不窮困。至於今日之極也。嘉靖七年，鎮城餓莩幾萬。

九鎮以延緩

言之痛心，嗚呼！此鎮將士懷忠畏法，死無怨言，敢勇

兵為強

善戰，虜所素憚。迺今年年枵腹，不得一飽，傷哉傷哉！脫有黥虜，窺知虛實，以重兵壓境，及客兵既集，日費益廣，更以大將軍駐魚河之地，卽糧道阻絕，不兩三日而榆林坐困矣。今之司計者，不憂積薪之火，猶待燃眉之救，豈知此鎮迫於寇門，糧道險遠，急卽束手。臨時雖予金如山，不可食也。况今鹽法已壞，飛輓之

計失在官糴買一費數倍戊子之歲東草價至二錢

榆林最非復河套

有餘他可知矣愚故以為論榆林者急在芻糧他非

不可

所慮愚又以為本色不復則榆林未可知也至於募

軍之糧及災傷所免戶部處補自是當然何令邊臣

乞哀之不已乎夫事有改作而後善者不可執一論

也今三邊芻糧至難處矣愚謂黃河自陝州而上至

以者

綏德近境春初時皆可舟行若計沿河郡縣改徵本

乘轉給亦一策也

色水路接運而上則榆林其少蘇乎再於延寧甘固

適中之地另設倉場各以戶部官一員主之每鎮每

年。予鹽銀十餘萬。令其糴買儲蓄。專備客兵之用。出入稽考。一歸戶部。邊官無得那移借貸。倘客兵一年不至。則有一年之積。如是數年。或可少裕也。視今日各邊有事。而後徵兵請糧。及於內帑。至則糧價正踊。鎔爲銖用。所省又當萬萬矣。套地長幾二千里。橫至數百里。亦漢武朔方地方。唐猶內屬。韓公築三城於河外。史稱其功。夫拒河爲守。尚不能固。乃能遏虜於河外。其置烽堠千八百所。所須萬人。而史云減戍。皆不可曉者。近有復套之議。謂當循唐舊。又謂當復守。

東勝則榆林東路。可以無虞。審時度力。愚不知計所出矣。西路最稱要害。而安邊定邊。連接花馬池。更爲衝劇。築牆設險。事有不容已者。若沿邊困悴之邑。唇齒相依。當擇賢令。旌以異等。令其撫綏招來。庶幾可以保全乎。夫榆林地險而防嚴。將士敢勇。戰不貫胄。虜呼爲駱駝城。人馬見則畏之。四方征調所向有功。更多將材。有節氣。視他鎮爲最焉。第鎮城遠處乎不毛。軍衆待哺於腹裏。生理旣難。糧道又遠。倘人事不修。則大邊之廢。其首在茲乎。愚故云榆林者。急在舊

糧。他非所計也。

甘肅鎮

甘肅

甘肅者，甘州肅州也。甘州在漢爲張掖郡，置金城屬國以處蠻夷降者。宋爲西夏所據。國朝置甘州五衛，後命將鎮守。肅州漢初爲匈奴昆邪王地，後降漢，置酒泉郡，隔絕匈奴，與羌酋通路。宋爲西夏所據。

國朝洪武二十四年，開設肅州衛，後命將分守甘肅。在黃河之西，故又曰河西。禦戎得失，莫詳於漢史。而屯田便宜，莫善於趙充國，可以爲萬世法者也。哈密

夷人在肅州之西千里許。永樂間封西夷酋長爲忠順王，賜以金印，令居哈密，羈縻西域諸夷，通貢往來。弘治五年，忠順王陝巴爲土魯番擄去，哈密城失守。命侍郎張海往經畧之，海至彼，上言西夷不可征，來則撫之，叛則拒之而已。朝廷用其策，事果寧息。弘治十一年，土魯番送回陝巴，復立卒子速壇拜牙卽襲封。正德八年，棄國走入土魯番，土魯番入據哈密。遺書欲寇肅州，因而要求厚賞，廷議差官整兵以待。所求賞賜，事出無名，不可輕與，不意奉使者欲邀近。

功遣哈密都督寫亦虎先等賞幣二千直造虜廷講和更許增幣取回金印虎仙等未回而奉使者已還朝不得如約遂啓土魯番侵犯肅州之禍宋史云和在彼則和可久和在我則和易破豈不信哉易曰差之毫釐謬以千里其斯之謂歟今欲守甘肅之地行便宜之術舍趙克國吾未可見矣

甘肅論

甘肅

河西地勢曠遠難于設險今日守禦方畧須依趙
甘肅卽漢之河西四郡武帝所開以斷匈奴右臂者
克國留兵屯田之策斯善矣
蓋自蘭州爲金城郡過河而西歷紅城子莊浪鎮羗

古浪六百餘里。至涼州為武威郡。涼州之西歷永昌

山丹四百餘里。至甘州為張掖郡。甘州之西歷高臺

鎮夷四百餘里。至肅州為酒泉郡。肅州西出嘉峪關

甘肅

為沙瓜赤斤苦峪。以至哈密等處。則皆燉煌郡地也。

荒服之地、雖難守、

洪武五年宋國公馮勝下河西。乃以嘉峪關為限。遂

胡、得、遠、棄、之

棄燉煌焉。自莊浪岐而南。三百餘里為西寧衛。古曰

湟中。自涼州岐而北。二百餘里為鎮番衛。古曰姑臧

此河西地形之大畧也。夫以一線之路。孤懸幾二千

里。西控西域。南隔羗戎。北遮胡虜。經制長策。自古已

難况茲凋敝之餘非豪傑任事之臣其孰能爲之且
哈密甘肅藩籬諸番領袖成化以來陷於土魯番恢
復之議至歷累朝顧在今日有難者二有當緩者
四不可例以往日何也哈密累敗之餘喪亡畧盡譬
之垂死之人身不自持縱令復國豈能固守此一難
也恢復之計曉諭不從必煩聲討虛喝謾恐難以震
動試言今日可復爲先襄毅深入之事乎此二難也
往建哈密以其能制諸夷爲藩蔽也今不能矣立之
何益是故哈密者昔爲要區今爲散地盛衰之會殊

宗人 不毛 雖云 遠界 萬一 損或 夫望 非徒 無益 且

辱 剛 矣

強弱之形異。當緩一也。哈密轉徙之衆。已長子孫身
事讐國。遺我以難。是彼無共天之義。我有同舟之急。
此何爲乎。當緩二也。累朝以哈密之故。勞費萬狀。
議論無已。是以夷人視之爲奇貨。以爲中國一日不
可無哈密也。今日索金幣。明日求進貢。今日送金印。
明日還城池。譬之以果啗兒。舞弄在手。假令自今不
復言哈密恢復事。彼當何爲乎。以爲將遂有哈密也。
則豈待中國棄之而後取之。以爲不能則哈密猶舊
也。况閉關絕貢。可以制諸夷之命乎。當緩三也。赤斤

蒙古安定曲先等衛亦皆中國藩蔽赤斤等衛破于

土番安定等衛破于海賊何不聞為彼恢復而切切

于哈密乎當緩四也密于六者之間則哈密可復不

論恢復之說可自息矣

可復宜復不宜復圓機之士必當破衆說而建長策

矣至于亦不刺者迤北逋寇盤據西海吞并屬番為

西南患頃歲已許內附尋因其敗弱而棄之頗為失

計何也甘肅之患北虜倏去倏來南番坐守之夷耳

惟土魯番自兩犯甘肅以來累肆荼毒漸不可長若

乘其內附乃用其勢而利導之斷為安邊之善術

收海上之虜置之哈密近境結以恩德西制土番北

皇明經世編

神恭襄邊鎮論
卷之一

二十
平露堂

制瓦刺此千載一時也設音以畏遜方秋祭之一處大夫社會矣倘有成績卽令職西域之貢

何所不可議者祇恐別起事端而不思遠地無干祇

云夷心叵測而不知窮虜易用視今日自據西海散

處河岷何如邪矧以虛糜得實用借虜地爲干城得

失利害不較可知又今河西屯田敝矣二千里內計

丁一萬七千耳防守不設耕種難也累遭殘破生聚

難也腴削無已休養難也是故人益貧口益耗食益

歉兵益弱而屯田益不興矣近日差官添築新堡廣

招佃種似矣豈有舊堡未克而更能實新堡者乎豈

有不爲防守而敢遠耕者乎。豈有將不休養而人得
生聚者乎。又譬之家政農桑薪水賓客祭祀之類。動
必相連。豈有餘事皆廢而一事獨舉者乎。是故有將
而後有兵。有兵而後有人。有人而後有土。有土而後
有財。有財而後兵益振。屯益舉矣。他如李淮之議曰。
欲將見堡量給以馬無事令其瞭望而耕耘有事得
以聯絡而馳逐拯溺救焚。此其近策矣。蘭州舊有管
糧郎中而不司支放。與宣大事體稍異。已失事宜。或
又令其歷在催徵不更遠乎。若以省叅一官專駐蘭

州以督邊課。如近時山東河南京運事例。而移郎中
 于其州如宣大例。則稽察歸于戶部。催科便于本省。
 是或一道也。西寧控十三番族。四堡六千戶所。近又
 益以海寇之擾。亦要地矣。不令屬莊浪。而另設叅將。
 易墳之議是也。若我西、增、通、入、中、則、際、我、百、端、加、大、軍、法、五、一、律、竟、于太宗以夷治夷。建寺立僧之
 法。蓋有深意。今有講其故者乎。西域之貢番。文動數
 百紙。詐冒相仍。騷擾無益。若給符限年。勒以各數。庶
 可久可繼之道也。嗚呼。病于塞而求通。傷于困而思
 起。今日之其肅。豈一事耶。舉其大者。聊以見緩急而

已。

固原論 固原

固原在寧夏之南，雖云近番，胡要害之地，然東南可
 固原開城縣地也。成化以前套虜未熾，平固安會之
 以顧榆林西，向可以頭甘肅是。以邇來總督叅遊悉
 間得以休息所備者靖虜一面耳。自弘治十四年火
 駱測于北，若○鎮○巡○運○籌○共○中○叅○遊○分○兵○會○各○鎮○折○衝
 節入掠之後，遂為虜衝。于是始改立州衛以固靖甘
 平外處並得宜。根節無缺。全陝亦可自恃。以無恐。陝
 蘭四衛隸之。設總制叅遊等官屹然一巨鎮矣。鎮與
 弘治十五年。○秦○襄○秋○總○制○何○三○遣○築○內○邊○一○條○自○醜○陽
 寧夏為唇齒。花馬池一帶邊人謂之大門。若併力堅
 界。起、西、至、徐、斌、水、三、百、里、自、徐、斌、水、起、西、至、靖、虜、花、
 守花馬池則固原自可無虞。而響石溝至靖虜一帶
 兒。當止長六百。里。至。今。子。二。八。月。各。修。築。之。屹。然。焉。
 修築又在所緩。蓋力分則勢弱。寇已入門。主人束手。

故愚以為總制不駐花馬池則固原未可息肩也靖

以陝西巡撫總兵提鎮此邊廟養與恭與若合符節

虜一帶每歲黃河水合一望千里皆如平地若賀蘭

也

山後之虜踏冰馳蹕則蘭靖安會之間便為禍階調

兵防守候在水凍而西鳳臨鞏之卒多未經戰豈能

捍禦愚又以為不添沿河之堡不屯常戍之兵則固

原又未可息肩也徵調客兵他鎮有事則然無事則

已若固原防守之戍每歲凡四閱月而芻糧不為之

處尚在本兵額內支給如之何其不告乏乎小鹽池

批驗舊在固原蓋來商旅納貨賄期以填實此地而

王瓊移置下馬房其見偏矣夫固原中制之地也總制所在戎務攸關此特一隅之論耳若夫任將任官足食足兵之計孰不知之孰不能言之體權盡變存乎其人耳

三邊四鎮圖序

三邊四鎮

夫陝西迤邐三邊而建列鎮以守之曰延綏曰寧夏曰甘肅曰固原是以鎮東由黃甫川以至於定邊營一千二百里定邊營乃西接寧夏花馬池由花馬池以至於橫城三百二十里橫城亦寧夏之堡而達諸

黃甫川共一千五百二十里。皆在黃河之內。邊牆外悉爲河套矣。套長幾二千里。橫自牆距河。遠者八九百里。及六七百里。近者二三百里。餘惟黃甫川八九里。爾川南焦家坪兩岸夾山。水先合後泮。及娘娘灘羊圈子渡。以交冬水涸。故胡虜每二三年或四五年大舉。自坪或灘或渡口以入套。馳而蹂躪焉。害斯延矣。又每年遣零騎三四千。或六七千。伏林逐草。住牧不絕也。是以套中之虜。無歲無之。由橫城渡河而西。是爲鎮城。由鎮城之鎮遠關二百四十里。中衛四百

里。是在黃河之外。賀蘭山紆徐而逸之。山之後虜時
住牧警屢至焉。又由鎮城渡河而東。則入靈州。以至
於韋州三百四十里。韋州南接固原。預望城。以至于
固原。鎮城三百里。由固原出靖虜。蘭州又七百三十
里。河州九百二十里。是又皆在黃河之內。徃徃套中
之虜。秋由花馬池潰墻而入。山後之虜。冬由靖虜衛
踏水而入。則臨鞏涼慶諸郡縣。皆驛騷矣。由蘭州渡
河西出莊浪。以至于甘州。鎮城一千二百里。又至于
肅州嘉峪關。六百里。共一千八百里。又皆在黃河之

外西海刺刺山江零口有虜寇土魯番天方西域有
回夷西寧莊浪革哩章哩等族有番落然則酒泉浩
疊之間環而居者孰非犬羊之穴乎况山後之虜由
蘆塘松山而入者又數數然也是故延綏鎮一千二
百里寧夏鎮一千二百里甘肅鎮一千八百里共五
千六百里邈乎遐矣古之言兵者曰地利曰地機又
曰知戰之地者可千里而會戰先是四鎮有圖可閱
也但緣邊地勢本長亘而括之以方相聯而乃析之
是以觀者或病爾此因軍督戰出入塞域卽其所至

而按堵之所未至者，則詢於將官什五，乃總行爲圖。疆場比次，延袤不絕。凡營堡疏密，斥堠遠近，城塹高深，山谷險易，道路迂直，與河之內外，山之前後，境之東西，及虜所往來，出沒之衝，罔不具載。庶幾籌邊君子，揆叙形勢，申固封守，有所考焉。且俾元戎甲士，於是乎揣山川沮澤之形，計險阨遠近之利，執通掛交隘之機，或畫地而屯守，或處高而待敵，或塞隘而遏突，或衝隙而破圍，或倍道而輒戰，或馳間而掩擊，或迂途而至誘，或夾阜而張竒，或依谷而設伏。凡所以

據險峻防。審勢計勝。以阨彼虜之吭。笞其背。斷其右
臂。而制其命者。皆然而不迷矣。禮職方氏掌圖辨物
周其利害。况邊服利害而可不知乎。此圖之不可已
也。